



Senin, 07 Pebruari 2022

Ogen: Esekjiel 28: 11-19



Abu Nari Ngenca



Pernah ka nge kita salut ngenen sesekalak jelma? Tuhu-tuhu kita simpati man bana, i bas kerina dampar geluhna siakap ia sempurna. Apai ka sitandai ia kitik-kitikna nari uga ia bertumbuh kembang, mehuli dengen terpenalem orang tuana. Masa persekolahen pe sikap, janah uga ka ia tampil jadi kalak si berhasil. Tapi lit perubahen i bas geluhna ia enggo jadi kalak si meganjang ukur mungkin ban kemegahen kempak dirina jine. Arah e me dungna mis kal lanai ateta ngena kempaksa.

Dibata nandai kerina manusia i doni enda. Erkelangken Nabi Esekiel ia ngerana kerna Raja Tirus. Tangtang tubuhndu lagu langkahndu mejile kel, seh kal ulina, kam ringan i Peken Eden Peken Dibata. Perhiasen-perhiasen la kurang ipakendu, sabap isekelewetndu nge inganna. Kam pe pernah jadi usihen si mejilena kel nai. Meganjang ukurndu perban jilendu. Tapi, dungna jahat perbahananduu bage nina Dibata, kecewa Dibata ngidahsa.

Reh me rawa Dibata ngkernepenk Raja Tirus. Tuhu-tuhu erbanca bagi tempa-tempa maka Raja Tirus e la pernah nggeluh dengen lit i doni enda. Nggo jadi abu me ibahanna Raja Tirus e alu kuasaNa. Adi abu me mesunah nge iembusken angin? Bene me ia dungna. Enda iarapkan Dibata jadi saksi guna mereken pengajaren man kalak si deban si la patuh man Dibata.

Dibata erkuasa sabap Ia me si empuna langit ras doni enda. itandaiNa kerina kita anak-anakNa. Itandaina kita kitik-kitik nari terus ku dewasa bage pe seh genduari enda selaku moria. Ma labo kita erbanca Dibata kecewa dengen merawa? Metenget kita rawa Dibata enggo mesangat, lanai kari lit pengarapenta nggeluh ibahanNa. Si tandai banta maka kita desken abu ngenca. Tuhan erbahansa geluhta mehuli



